

# UMT cadang bina kampus kedua

ST 16/03/07 Pg. N9

■ ASWANY OMAR

## KUALA TERENGGANU

- Universiti Malaysia Terengganu (UMT) bercadang untuk membina kampus keduanya di Bukit Kor, Marang membatikan kawasan tapak seluas 240 hektar.

Naib Canselor UMT, Datuk Dr Sulaiman Md Yassin berkata, cadangan pembinaan tersebut bertujuan meningkatkan institusi pendidikan dan pengurusan UMT selain menyediakan kursus berkaitan Sains dan Perkapalan serta Bioteknologi Marin.

"Kita telah mengusulkan cadangan tersebut kepada Kementerian

Pengajian Tinggi Malaysia dan peruntukan sebanyak RM500 juta dijangka diperoleh melalui Rancangan Malaysia Ke -10 (RMK-10)," katanya.

Beliau berkata demikian kepada pemberita selepas menerima kunjungan lawatan Menteri Kewangan II, Tan Sri Nor Mohamed Yakcop ke Kompleks Kolej Kediaman Fasa Pertama, UMT yang dalam pembinaan, se-

malam.

Kompleks yang berharga RM20.2 juta itu membatikan satu blok asrama lelaki dan perempuan yang memuatkan 1,570 pelajar serta dewan makan dan surau yang boleh menerima kapasiti seramai 500 dan 200 pelajar pada satu masa.

"Pembinaan Kolej Kediaman berkenaan adalah berkonsepkan apartmen dengan lima buah

bilik dan dilengkapi dengan dua bilik air supaya pelajar supaya pelajar dapat menikmati keselesaan maksimum ketika di asrama," katanya.

Katanya, kompleks yang bakal menerima pelajar pada Julai depan itu telah siap sebanyak 97 peratus dan akan di teruskan mengikut jadual yang ditetapkan.

Tambahnya, 80 peratus pelajar kini tinggal di asrama yang disediakan dan pembinaan kompleks berkenaan sekali gus dapat menampung pelajar yang masih tinggal di luar asrama.

Kompleks yang berharga RM20.2 juta itu membatikan satu blok asrama lelaki dan perempuan yang memuatkan 1,570 pelajar serta dewan makan dan surau yang boleh menerima kapasiti seramai 500 dan 200 pelajar pada satu masa.